

Ленинэнь киява

ВЛКСМ-нь Мокшэрзянь обкомонь ды Сарансконь ошонь комитетэнь газетаст

АВГУСТОНЬ
23 чи,
1937 иэ
№ 96 (770)
ЛКСИ 7-це иэ
чинь ютазь

Парсте ютавомс районной конференциятнень

Комсомольской первичной организации руководящей организации отчетные докладные материалы. Ней комсомольской мордовской областной организации кармить улеме ютавтозь районной конференцият ды промкст, областной организации аноксты комсомольской областной конференциятнень.

Районной конференциятнень парсте ютавомань ули политической покш значения комсомольской организации роботасонзо. Парсте ютавтозь конференциятне максить покш влияния комсомольской областной организации весе роботантень.

Конференциятне пурнавить аволь ансяк райкомтнень роботаст парсте проверямонь кис, но истя-жо райкомтнень организационно-кемекстамонь кис. Районной конференциятнень сех покш политической задачка ашти се, штобу комсомольской массатнень седеяк кемест мобилизовамс враждебной элементтнень педе-пев лангс таргамонь, ды критиканть ды самокритиканть келейавтома тевентень.

Но берянь се, што комсомолонь кой-кона райкомтнень ды сынт секретарьтнень тень эзизь чаркоде. Сын эзь тее урок первичной организации отчетно-кочкамонь ютавтозь промкстнень эйстэ.

Ансяк теньсе можна толковамс те положениянь, што Ладской, Инсарской ды Ст.-Синдровской районтнэ комсомольской районной конференциятне ды промкстнэ ютавтозь идейно-политической алкине уровеньсэ, политической эрвикс заостренностье ды аволь организованностьсэ.

Примеркс ашти се, што ВЛКСМ-нь Инсарской райкомонь секретаренть Малявина ялганть отчетной докладсонзо арась евтэзь политической бдительностень вопроствэ ды первичной организации отчетно-кочкамонь ютазь промкстнень итогтнэ. Виде, конференциянь делегаттнэ витизь Малявина ялганть ды конференциянь молемантень макссь виде направления.

Ладской районсо ВЛКСМ-нь обкомонь оргтройкас (оргтройка председателес Евстигнеев ялгас) кочкамонь районной промкстнень анокстамо тевенть нолдызь полнейшей самотекс. Неть результаттнень коряс, промкстнень састь 167 делегаттнень эйстэ 103 ломанть, ды райкомонь кочкамошкантень нетнень эйстэ 82 ломанть. Делегаттнень ярасамо-пель ды удома тарка эзьт максо. Истя жо арасель анокстазь кудо районной промкстнэ ютавомантень, ды секскак делегаттнень савсь молема райцентраста совхозонь клубс 7 вальгейбет ялго. Оргтройкас комсомолеттнень эзинзе мобилизова ВЛКСМ-нь ЦК-нь III-це пленумонь решениятнень топавомантень, троцкистско бухаринской ды буржуазно-националистической пуло-пелькстнень педе-пев маштомантень, ды оргтройкас грубойстэ колызе ВЛКСМ-нь уставонть—апак вант се лангс,

што промкстнень састь ВЛКСМ-нь члентнэ ды кандидаттнэ ансяк 50 проц., оргтройкас промкстнэ яла теке ютавтызе.

Кочкамонь промкстнень беряньстэ анокстамонь результаттнэ марто беряньстэ ютась кочкамонь промкстсэ Ст.-Синдровской районсо. Оргбюро политический ротозействанзо кувалт промкстнень эцест чуждой ды враждебной ломайт истятнень кондыт, кода Лентошки,—попонь цера, аферист ды жулик, седе икеле ульнесь панезь комсомолсто ды Логинова—народонь врагонь тейтерь. Те истямо положениядонть мейле кодамоак дивакс ай-ашти се, што райкомонь составс вейкеяк эзьт кочка тейтерь, колхозник ды производствасо роботыця.


Эряви тепкстамс, што кода Ладской, истя-жо Синдровской районтнэ промкстнэ ульнесь ВЛКСМ-нь обкомонь представитель. Ладской районсо ульнесь Симдяшкин ялгас, Синдровской районсо—Бабицкий ялгас. Сын промкстнень руководстванть таркас саизь невмешательствань позициятнень, ды кармасть улеме простой свидетелекс ды неть грубой коллематнень ды асатыкстнень сермалицякс, сын кода так мерат эзьт прима сенень, штобу иляст уле неть ильведкстнэ.

Райкомонь ды комсомольской активнень задачка ашти се, што бу теомс урок неть районтнэ теезь ильведкстнэ эйстэ, истя-жо первичной организации ильведкстнэ эйстэ ды ВЛКСМ-нь ЦК-нь указаниятнень коллематнень эйстэ. Эряви парсте решамс весе детальтнень, конат сюлмавозь районной конференциятнень анокстамонь ды ютавоманть марто, секс што анокстамонь эйстэ карми аштеме конференциятнень успешнасто ютавомасьяк.

Райкомтнэ ды сынт секретарьтне обязаны анокстамс политический пшти, самокритичной ды деловой отчетт райкомонь роботадо, кона бу мобилизовализе организацианть весе роботанть вадрялгавтомантень.

Райкомось обязан конференциятнень икеле теомс отчет сень кис, кода сон топавтсь ютась конференциятнень решениятнень, кода райкомось борюясь комсомолеттнэ идейной вооруженностень кепедеманть кис. Докладчиктнэ должны евтнемс, кода райкомонь бюрось кепедсь комсомолеттнэ революционной бдительностень ды кода организацианть мобилизовась врагтнень лангс таргамонть ды сынт вредительствань последствиятнень маштомантень.

Эряви нейке-жо конференциятнень анокстамонь ды руководствасонть маштомс самотекснень, эряви нейке-жо сюлмавомс делегаттнэ марто, критиканть аравтомс сэрй уровеньс, ды неть основатнень коряс выдвигать од актив, кона проверязь практической роботасо, педе-пев преданной Ленинэнь—Сталинэнь партиянь тевентень.



Орденосецэнтъ Кадарьян ялганть руководстванзо коряс Молотов лемс Горьковской автозаводонь конструкторской бюрось сконструировась „Пикап М-1“ автомашинэ, кона карми улеме нолдазь серийной производствасо.
СНИМКАСОНТЬ: „Пикап М-1“ опытной экземплярсь.

Фотось В. ХРАМЦОВОНЬ (Союзфото).

СССР-нь Ордентнэсэ В. В. УЛЬРИХ И. О. МАТУЛЕВИЧ, И. Т. НИКИТЧЕНКО ЯЛГАТНЕНЬ ДЫ ЛИЯТНЕНЬ НАГРАЖДЕНИЯСЬ

Революционной законностень кемекстамонь ды государствань интереснэнь ванстомань коряс успешной роботанть кисэ СССР-нь Центральной Исполнительной Комитетэс тейсь постановления наградить Ленинэнь орденэ СССР-нь Верховной Судонь Военной Коллегиань председателень армвоенюристэнтъ В. В. Ульрихень, СССР-нь Верховной Судонь Военной Коллегиань председателень заместительтнень—корвоенюристэнтъ И. О. Матулевичень ды диввоенюристэнтъ И. Т. Никитченков ды СССР-нь Верховной Судонь Военной Коллегиань членэнтъ—диввоенюристэнтъ Н. М. Рычковонь.

Красная Звезда орденэ награжденной Военной Коллегиань члентнэ Я. П. Дмитриев, А. Д. Горьчев, А. М. Орлов ды И. М. Зарянов, ды истя жо Харьковской военной округонь военной трибуналонь председателес бригаденюристэс А. Ф. Козловский ды СССР-нь Верховной Судонь Военной Коллегиань старшей инспекторсь А. А. Батнер.

Знак Почета орденэ награжденной Уральской военной округонь военной трибуналонь председателес—Г. А. Алексеев ды СССР-нь Верховной Судонь Военной Коллегиань старшей инспекторсь А. Ф. Костюшенко.

МОСКОВ—СЕВЕРНОЙ АМЕРИКА ЛИВТЯМОТНЕНЬ ОРГАНИЗОВАМОСТ КОРЯС ПРАВИТЕЛЬСТВЕННОЙ КОМИССИАНТЬ ПЕЛЬДЕ

Августонь 20 чистэ Задков летчикесь „СССР Н-2“ гидроплансо пачкодсь Аляска лангсо Барроу мысэнть. Тестэ сон ушодсь „Н-209“ самолетонь вешнеманть. „Красин“ ледоколос ашти Барроу мысэнт эйстэ 10 милясо, 10 бал марто эй лангсо, учи зардо юты туманось, штобу мейле туемс икелев.

Америкасо рамазь „СССР Л-2“ гидропланось Вилкинсэнь командованиянзо коряс Нью-Йорксто ливтэсь Порт Артурс (Канадасо Верхней озеранть вакссо).

Московсо прыдовсь „АНТ-6“ 3 самолеттнень заводской анокста-

мост. Августонь 21 чистэ, Арктикав экспедициянтъ туемадонзо икеле, улит теезь пробной ливтмот.

Экспедициянтъ составсо Советской Союзонь геройтне—Шевелев (экспедициянь начальник), Водопьянов отрядонь командир ды „Н-170“ самолетонь командир), Молоков („Н-171“ самолетонь командир), Алексеев („Н-172“ самолетонь командир), Спирин (флагштурман). Самолеттнень экипажост малав целанек аштит Северной полюсов экспедициянтъ участникэнэ эйстэ.

(ТАСС).

„Кортыця сермат“

Летной отрядось, кона моли Леваневской ялганть самолетонзо вешнемэ, эсинэз марто Москвост саи „кортыця сермат“, конат улит пачтезь Тихой бухтань, Рудольф островонь ды „Северный полюс“ дрейфующей станциянь зимовиктнень. Неть „серматне“ максить воз-

можность зимовиктнэнь марямс малавикс ломантьтнень вальгеест, конат сермадовь специальной целлулоидной пластинка лангс. „Кортыця сермась“, кона аравтозь патефононь диск лангс, евтасы серманть авторонть вальгейсэ. (ТАСС).

МКСХШ-нь зданиясь апака анокста

Кадовсть лозовъ чить тонавтенма од иентень, но мксхш-нь зданиясь аволь анок. Ремонтось апака прыдо, моли пек састо, сень кувалт, што аволь сатышка робочей виесь. Кона робочейтне ней роботыть, сын а кемерить зданиянь витнемс тонавтенма шкантень.

Ректорось Борисов ды административно-хозяйствань проректорсь Некаев школанть аволь анокчинзэ кувалт кортнить, што арась сатышка робочей вий ды а косто сонзэ саемс. Борисов ды Некаев эсь прят чумокскак а ловить ды сын ай-арситыкак седе, што тенст ульнесь цела кизэ школанть витнеманзо кис.

Р. П.

Эзть карма проверямо

Тонавтенмань од иентень школатнень анокстамонь проверямо коряс августонь 5-це чистэ 25-це чис ютавтови „легкой кавалериянь“ рейд.

Кенде велень ВЛКСМ-нь организациясь эзь карма проверямо школатнень анок-чист.

Неполной ды начальной школатнесь асатыть ламо преподаватель, районОНО-сь жо течень чис эзь кучт ды мезтыкак а арси тень кувалт.

Школатнень вальмаст а маштовить, арась пенгтыкак. НСШ-нь класстнесь занятиятнень ютавтомс нельзя: секень вант лангозот калады. Истя жо арась учебной пособиат ды лият.

Пав. Рускин.

Дубенкань р-н.

Од вийсэ—тонавтенме

Ардатовань пионерской оздоровительной лагерсэнтэ оймсить 193 пионер.

Нетъ весе отличник, сын мошь сень кисэ, штобу парсте оймсемс ды мейле од вийсэ модемс школав, кармамс седеяк вадрысто тонавтенме.

Оймсить пионертиэ парсте ды веселасто.

И. Симдянов.

Ардатовань р-н, пионерской лагерь.

Пионеротрядтнэс--вадря вожатойть

Икелень иень роботань практика невти, што кизэнь шкастонть ВЛКСМ-нь обкомсо ды райкомтнэсэ пионеротделтнэ вожатоень кадрань кочкамонь теветь коряс мезтыкака тейнить. Тонавтенмань одиентэ ушодомо мейле 3—4 ковоень перть пионерской ламо отрядт аштекшнить вожатойтеме ды учить, зардо сынт лецтасызь первичной комсомольской организации эли ВЛКСМ-нь РК-тне.

Комсомолонь нетъ РК-тне, конат эсь шкасто мелявтсть вожатоень кочкамонт кувалт, тосо пионерской отрядтнэ тонавтенмань одиентэ ушодомсто жо кармсить роботамо.

ВЛКСМ-нь обкомось июлень васьень читнестэ максъ указанийт ды парсте толковизе, кода эрви кундамс вожатоень кочкамонт теветень. Те теветень кундась ВЛКСМ-нь Игнатовань РК-сь (пионеротделэнь завось Сазанов ялгась). 57 школатнэсэ весе пионеротрядтнэсэ

Течи получия тынк пельде серманть, конань кис евтантень покш пасиба. Мон покш мельсэ ловнын эсинь родной ошонь кулятнеде строчкатнень.

Тынк сермась седеяк пек кепедизе монь мелем ды веселакс-чим. Курок вана таго сы тонавтенма од иесъ. Таго курок сави кундамс тонавтенме теветень. Отлична тонавтенм карман икелевгак ды эрсан, што истят мелест весе артековецтнэнь-пионертиэнь. Эрятань веселасто. Карминек вейкенек-вейкенек содамо.

Течи якинек Испаниянь эйкакштнэнь провожамо.

Пионерэнь весе минек лагересъ Суук—Су-нь шоссеинь кинть кавто крайга арсестъ стройс. Цветкасэ красязь кияванть састо-састо,

Школась анок тонавтенма од иентень

Саранскоень педучилищасъ (директорось Чуркин ялгась) тонавтенма од иентень анок. Ремонтось прядовсь шкато икеле ды парокчества марто.

Весе паргатне, кияксось, доскатне красязь, стенатне белязь, вальматне путневтезь весе одс. Комнататне валдот. Истяжо анокстазэ пенгть. Рамазь ламо учебникт ды лия пособиат.

В. Б.

**

Кочкуровань район. Ташто Пирма велень начальной школанть заведующесъ Александровский ды вельсоветэнтэ председателесъ Вильмискин шкастонзо ютавтызь тонавтенма од иентень школанть анокстамонзо.

Кияксось ды потолкосъ ацазь одс, стенатне белязь, вачказь печькатне, одов вализь заваликатне. Теезь кавто од бакт пси ведень лакавтомс, паргатне ды скамейкатне витнезь ды тейсть эщо одт, штобу сын сатост. Анокстазэ учебной пособиат.

Баранов.

Поздоровт Артекстэ!

Шумбратадо, вечкема ялгат!

(Серма ВЛКСМ-нь обкомов)

мельга-меельсек ютасть Испаниянь эйкакштнэ марто 6 автобуст. Истя жо мартост ульнесь вожатосткак. Минь тенст максынек ламо подаркат: цветкат, альбомт, книгат ды лият. Видьстэ меремс, провожинек пек парсте.

Мон уш пек калявинь чинть каршо. Комсь чинь ютамс сталмом кассъ 2 килограммт 600 граммт.

Гербариянь коллекциятнень карминь пурнамо.

Ней анокстатань ГСО-нь значок лангс норматнень максомо.

Ну, весе, сермадомс больше а мезе.

Поздоровт обкомонь весе роботниктнэнь.

Тынк пионерэнь Романова Маруся.



Августонь 15-це чистэ Москово састэ испанской эйкакштнэ, конат кизэнь перть оймсестъ Крымсэ, Артек пионерской лагерсэнтэ.

СНИМКАСОНТЬ: испанской эйкакштнэ Москово Курской вокзалонь перронсо. Фотось К. Сабельниковонь ды С. Лоскутовонь (Союзфото).

Кода Ильфек понгсь писателень союзонь членс кандидато

Ламо уш ульнесь кортамот седе, што Мокшэрянэнь писательтнень союзонть правлениясь Советской писательтнень союзонь членкс ды кандидатокс примсесь народонь врагт ды случайной ломанть.

Советской писателень Союзонь членс кандидато истяжо а мезень кис понгсь Ильфек (Ф. К. Ильин). Сонзэ марто теветсь лисць истя. Мокшэрянэнь писательтнень союзонь правлениянь председателекс ульнесь народонь врагось Нуянзин. Сон пурнавтынзе писательтнень ды мерсь: вана тенк ответственной секретарь. Приминк писателень союзонь членкс. Куинцолодо эйсэньзэ ды... мезтыкак илядо тейне. Нама, врагось истя видьстэ эзь мере. Но сон содылизе Ильфекен, кемсь, што сонзэ пингстэ кодамоак робота а карми улеме. Истя лисцькак. Тече уш минь сермадокшнынек.

Врагонть—Нуянзинэнь меремадонзо мейле Ильфек алкукскак примазель Советской писательтнень союзонь членс кандидато. Ды тесэ теветсь аволь ансяк Нуянзинсэ. Теветсь эщо сеньсэ, што Ильфектэ икеле уш писательтнень союзонь членкс понгонестъ эрва кить ды сынъгак весе виест путызь, штобу Ильфеккак улелель примазь. Лиси—веенстнэ тень тейсть эсист целтнэсэ, омбонстнэ (Куторкин ялгась ды лият) эсть мие большевистской мужества меремс, што Ильфек кодак не может улемс писателень союзонь членс кандидато. Колмонстнэ (Кривошеев, Григошин) вообще куш кинь примамонтэ кис кепедельть кедь. Секс, кода а кода, сынт ногодост вейс прастъ ды Ильфек примазель.

Но мезе сон сермадсь, мезе максць, конань кувалт мог бу кандлемс советской писателень почетной лементъ? Мезеяк! Лисць сонзэ сборниксэ „Пингсэ арды“, конаньсэ антихудожестводо ды эрва кодат тапарякстнэде башка мезеяк арась. Меельсэ шканть самскак Ильфек эзь сермадо вейкеяк произведения, конань бу улелель художественной самостоятельной значениязо. Виде, ве шкастонть „Сяткосо“ сон нолдтнэсэ „Од ломанть“ поэмасто саевкст, косо тейсь открыти, што „цековось алкоксккак мазыйстэ моры“ ды весе. Те поэманть эйстэ печатазь саевкстнэ кортыть, што сон ашти идейной ды художественной алкине уровеньсэ, меельсек Ильфек минек эйкакштнэнь туртов стихсэ сермалесъ пьсань кондымо, кона педэ-пез зыянов, коське, ваднезь тумонь кельсэ. А стякоте сермадовксонть нолдамонзо кис пингнэв эсь кирга парензэ раздиль народонь врагось Чесноков, снартыксэль невтемс, што нетъ „дигатне“ ды „гигатне“ сех паро произведения минек эйкакштнэнь. Но писательской активесъ лиякс чаркодизе те бездарной стряпнянь—зыяновкс.

Лия мезеяк Ильфек эзь сермадо. Ды а вестъ уш ульнесь кортнемат, што Ильфек случайно понгсь писательтнень союзонь членс кандидато. Мекс жо правлениясь ды васняк советской писательтнень союзонь членгнэ ды кандидаттнэ те шкас эзизь толкова Ильфектэ вопросонть? Веде выводос истямо ды весе содыть, што Ильфек не может улемс советской писательтнень союзонь членс кандидато. Те вопросось эрви ванномс седе курок.

[Е. Пятаев.

Литературной страницы

Степан Прохоров.

ДЕЛЕГАТКАНЬ ЕВТНЕМА

Коть шержиясть прясо черень
Ды мазый чамам олась,
Прок одирвань лакась верем,
Зярдэ вождь мартон кортась.

Сон кевкстимем седейшкава:
— Кодамо эрямонк тынк?
— Вадря, весела, уцяскав
Тон тенек, оям, максыть.

Отвечинь, тезэнь поладынь:
— Ней кевийкее сазорт,
Валдо эрямос молицят,
Масторсонть оля азорт.

Куломасон а стувтови,
Те лембесь, тетянь мелесь,
Кона сыре седеезэнь
Сех питнейкс совась келес.

Мон лисинь Кремлянъ дворецстэ,
Цивтордыть сырнесэ тешт,
Те жо Сталинэнь валдозо—
Валдомты ломанень мешть.

Икелень Якстере площадь,
Миллионт,—ютыть ломанть,
Эрвейкесь чиде манейнень
Кандсь певтеме вечкеманть.

Мон ардынъ Московонть алга,
Теде евтнестъ ансяк евкт,
Метрось Сталинэнь меревтьсэ
Пятилеткасто касовкс.

Мон еван тыненк од чуда,
Чуданть лемезэ канал,
Равось Московов сырматы,
Вождь маряка паро вал:

Меленек, кенярдоманок,
Евтаса,—вечкевикс сак,
Тон родной пандонь орелат,
Миненек инжекс ливтяк.

А. Мартынов.

Паксянок келейть

Паксянок келейть,
Сюронок сэрейть,
Варманть мельга лымбакстнить
волиакс.

Ялгинем тей сак,
Ванькс тештекс варштак,
Тештекс варштак сюпав паксянть
лангс.

Паксянок келейть,
Сюронок сэрейть,
Сравтовсть васов веленек перька.
Вант виренть малав,
Косо прок цынав,
Ливтни, налкси, кшнинь нармунь
верьга.

Тосо лымбакстни,
Тосо утыктни,
Весэ сэрсьсэнь шта товзюрось.
Тосто марят увт,
Прок вармадо чувт—
То од морот моры колхозось.
Варштак вить енов.
Онок, оно тов,
Косо паксясь токась сэнъ менельс:
Тосо розть лымбить,
Сюпав-чи кандыть,
Покш уцясканть кандыть тонь элес.
Вант, оно тосо,
Пандонть чамасо,
Покш тужа пель пандонть чамасо.
Прятне сувтемшкат,
Прятне чарышкат,
Пандось лымби чиньжарамосо.
Варштак перть пельга,
Паксянок эзга,
Покш паксянок эзга варштак тон.
Кодамо келей,
Кодамо мазый,
Эх, кодамо сюпав течи сон!
Ялгинем тей сак,
Ванькс тештекс варштак,
Паксяс варштак, сергедьтянк моро:
„Паксянок келейть,
Сюронок сэрейть,
Эрямонок келей, пек паро!“

Частушкат

Гайнек мазыйстэ, гармония,
Карман моронь морамо.
Монь вечкевикс тетям Сталин
Максць уцяскав эрямо.

Цветяк мазыйстэ од пинге
Монь весела масторсо.
Моданок ней сокситяно
„Путиловец“ тракторсо.

Эрва чокшне веленть кувалт
Кудотнева толтнэ валдт.
Колхозниктнэ ловныть книгат
Конституциянть кувалт.

Минек масторсо эрямось
Умаринань садкс цвети.
Минек эйсэ гений Сталин
Виде киява вети.

Гармониясь цековкс чольни,
Кенярдозь тенк моран мон.
Сталин ялгась мерсь

авантень—

Покш лезэть колхозсо тонь.

Либорды мазый цековось,
Пек паро монь мелезэнь.
Катя вадрясто роботы,
Сон ашти монь седейсэнь.

Паро эрямось колхозсо,

Евгений Агеев

Орчазь-пурназь—пильгсэть
кемть.

Паро мельсэ тон роботат,
Тейт ламо трудоденть.

Келей, келей паксястонок
Скоро саинек зяро!
Пасиба тетя, Сталин ялгай,
Эрямс весела, паро.

Эх, кодамо ушось паро,
Сэнь менельсэ пейди чи.
Моданок соксить кшнинь
айгорт,
Секс сюрось паро шачи.

Тундонь мазый садокс цветят
Ине мастор СССР.
Монь лелям содавикс ломань,
Колхоз паксянь комбайнер,

Чись менельсэнтэ эйдекс
пейди,
Пандонть эхкс курок залги.
Од эрямонь моротнеде
Минек улыцянок гайги.

Седикеле минь эрсинек—
Ансяк сельведть валнынек.
Эзинец некшне минь валдо,
Чоподасонть пиштинек.

ЭРЗЯНЬ СЕДИКЕЛЕНЬ НАРОДНОЙ МОРОТ

НАДЕ

— Мейсь авардат Надежа?
Мейсь меляват балдускем?
— Кода мон ай-авардань,
Кода мон а меляват?
Мирдем саизь салдатокс,
Монь кадовинь салдаткакс.
Тякан кадовсть урозокс,
А пурныцаст-сэрницаст,
Штапо лангонь орчицаст,
Вачо пекень андыцаст.

Дубенкань район.
Евтнзе М. Ярославкина.
Сермадызе И. Ярославкин.

Вай, вирьга, вирьга...

Вай, вирьга, вирьга,
Вигенть куншкава,
Виренть куншкава,
Вай, покш киява
Салдат полк моли,
Чувтотне алга
Од церат шагить.
Кежй седейсэ,
Прянь нолдазь моли,
Прянь нолдазь моли.
Морот а морыть.
Мекс а киштяно,
Тынь, эрзянь церат?..
А моратадо,
Вечкевикс оят?..
Кода киштяно,
Минь, эрзянь церат,
Мейсь моратано,
Минь, эрзянь салдат,
Пеле-кулозекс
Кадовсть тетянок,
Кониак лангс кадовсть
Кулозь аванок.
Киякс куншкава
Эйденек аштить,
Вай, сынъ кеверькшнить
Кши суском вешить.

Столь эхкс кадынек
Вечкевикс полат,
Вечкевикс полат,
Эжди седейнеть.
Секс а киштяно,
Вечкевикс ялгат,
А моратано,
Вечкевикс оят.
Тетянок кулозь
Тифень ормасо,
Аванок емасть,
Кши а сатыкссэ.
Вишка эйкакштнэ,
Пракшность вачодо,—
Вай, сынъ вачодо,
Ловсонь тансттеме.
Поланок емасть
Асатыкштнэде,
Асатыкштнэде,
Вай, модавтомо.
Секс а мейсь морамс,
Вечкевикс ялгат,—
А кода киштемс,
Вечкевикс оят.

Те моронть морсилть
Чамзинка велесэ.
Аванзо валсто сермадызе
Н. М. Симдянов.

И. ПРОНЧАТОВ

МОНЬ УЛИ САЗОРОМ

Монь ули сазором,
Вишкине, мазыйне,
Эзия неекшне,
Эзь корта тенъ валт.
Но содан—киргасо,
Вармань шкане, лыйни
Сюлмавиксось, конатась
Зорянь цветсэ палсь.
Секс мон а манявань,
Бути мерсьа мором:
„Монь ули сазором“.
Кодамо масторсо
Мазыть эрсекшнэ?
Кодамо таркава
Вишкинеть яксекшнэ?
Кода эно морат,
Бути эзик некшне,—
„Монь ули сазором“?
Косо аволякшнэ
Нармунень селмосо
Менеленть сэнэзэ
Валске марто свал.
Косо тусто садтнэ
Сырнесэ валнокшнэ,
Хлопкань паксятнева
Липни лембе ялт.
Сынст ютксо пачсь мазый,
Вишкине сазором.
Гайтек, курок пачкодть
Пельденъ шождя мором.
Хлопкань сеть паксятне,
Теке лейсэ галат,
Сюконякшнэ прясост.
Покш селмост сравтовсть.
Эрва чистэ якси
Сазором сынст малас,
Сезнекшнэ толгатнень,
Штобу тандавтомс.
Ансяк эсть тандаде,
Вастылизь кенярдозь,
Кармакшнэ покш тарка
Эйстэст чамомо.
Ялгатне, ломантне
Кувать дивсестъ, зяро
Сазор пурнась хлопканть—
Весэде ламо.
Вейке паро чистэ,
Косо Кремлянъ тештесъ
Велень ошонь велъкска
Чинек-венек палсь,—
Пурнавкшность ломантне
Монь масторонть мештьсэ
Вождь марто кортамо
Московонь покш залс.
Юткост улывсь превей,
Вишкине сазором.
Те аволь ейдолось
Кивчадсь, пизесь пелесь,
Те аволь лугасо
Сюконясть цецят.
Те ледстизь ломантне
Монь сазоронь лементь,
Те—ломантнень ютксо
Превейнем кецясь.
Ды цыпамонь коряс,
Конанень мердяно
Весэ вейке мельсэ—
Вечкевикс тетя,
Пейдэзъ сонзэ ванносъ,
Васолдонь эйдензэ
Вадяпизь ветясь.
Сонзэ кеденть вельде—
Минеккак сювордась,
Минеккак вельдензэ
Вадяпакшность кець.
Сыре, сыре деда
Эсь ийде покордавсь,
Вансь цецянть—эзь кирде,
Нолдакшность сельведть.
Масторсонть пек ламо
Истят сазоронь,
Минь ве лув моляно,
Сювординек кець.
Уйнек эно васов
Лембине моронь,
Кадык марятанзат
Превей Мемлекат.
Кадык сонгак моры.
Галстукозо лыйни,
Айда, монь сазором!
Айда, монь превейнем!

МЕЖДУНАРОДНОЙ ПОЛОЖЕНИЯДОНТЬ БЕСЕДАТНЕНЬ ТУРТОВ КЕМЕНЬ ЧИС

Китайскэ военной действиянь террито-
рийне яла содеяк келейгадыть. Вейпин-
Тяньзиньской районотъ саемадо, мей-
ле, Япониясь кучни влев подкрепления
Хэбэй провинциянтень. Сень туртов,
штобу китайской правительстванть кар-
мавтомс эсинэ войскантень Северной
Китайскэ саеме ды кармавтомс сонэз те-
ме уступкат, японской интервентнэ ор-
ганизовасть Шанхаенть лангс каявома.

Шанхаес—Китаенъ пек покш ош,
конась ашти масторсонть национально-
освободительной движениянь основной
центракс. Вете келе икеле японской им-
периалистнэ уш снартнесть каявома Шан-
хаенть лангс. Но 19-це армиянь геро-
ической солдаттнэ, шанхайской пролета-
риятонть лездамонзо марто, кармавтысь
японейнтень отказамс эсист снартма-
донть. Шанхаенть маласо бойтнень моле-
мадо кулатне максыть весе основани-
нень арсеми, што нейгак китайской сол-
даттнэ, конатнень лездыть шанхайской
робочейтне, Шанхаенть маласо теишь со-
крушительной вачкодкэ азаргадозь ин-
тервентнэненъ.

Меельсь сведенияйтнень коряс, япон-
ской правительствась тердизе Нанкин-
стэ эсинэ посольстванзо. Финанстнень
министерствась решась вештамс масто-
ронть финансовой политиканзо лангсо
военной шкань полной контроль. Прави-
тельствась решась тердемс японской пар-
ламентнэ чрезвычайной сессия сень кис,
штобу Китайскэ войнанть велямонзо тур-
тов кемекстамс дополнительной бюджет.
Те корты седе, што, атак ванс сень лангс,
ули али а ули официально яволявотъ
войнась, Япониясь уш лови эсь прызо
„Китаенть марто войнанть состояниасо“.

Арась кавтолдома сеньсэ, што япон-
ской империализманть агрессивной план-
тнэ вастыть решительной сопротивления
китайской народонть ендю. Меельсь шка-
стонть японейнтень китайской войска-
нень каршо бойтнесэ, теезь жарыя пора-
жениянь ды сынест, японейнтень, савсь
потамс. Нанькоусо боеишь молемастэ япо-
нейнтень ютксо маштоз 5.000 ломанть.
Аволь умок колмо чис китайской авиа-
циясь правтсь колоньгеменде ламо япон-
ской самолетт.

Антиапповской национально-освободи-
тельной движениясь, конань возглавля-
ет Китаенъ коммунистической партияс,
эрья чистэ яла келейгады. Китайской
пролетариатось, масторонть весе труди-
цятне стить японской захватчиктнень
каршо эсист модаст ванстома.

Нанкинской правительствась, атак ва-
но кой-кодамо кавтолдоматнень лангс,
народной массатнень вештамс коряс
кармась занямо седе решительной пози-
ция Япониянтъ каршо бороцямсто. Нетъ
читнестэ ульнест печатазь декларация,
конаньсэ нанкинской правительствась
яволявтсь: „Китаес а максы нельгемс
эсинэ территориястонзо кодамоак пелькс
ды карми примаме весе мератнень само
защитанть туртов ды эрья кодамо аг-
рессиянтень сопротивленианть туртов“.

Испаниянь центральной фронтсонть
Брунете районсонть июльской бойтнеде
мейле военной действиятнесэ теевсь за-
тишья. Матежикитнень ютксо нетъ бой-
тнесэ пек ламот маштоз ды ранязь. Вру-
нетенть лангс меельсь атаканть пингстэ
сынъ кадсть боеишь паксятъ лангс 6.000
ламо маштоз ломанть. Фашистской жарыя
кемень самолетт правтсь республиканей-
тнэ. Теке марто республиканской арми-
ясь эсинэ кедьсэ кирди июльской бойт-
несэ сонэз саезь малав 100 квадратной
километрат территориянтъ.

Нетъ бойтне невтизь, што республи-
канской армиясь пек кемекстась, што
сон способной уш аволь ансяк упорной
оборонантень, но келей фронтсо контр-
наступлениянтеньгак.

Республиканской армиясь покш тем-
пасо кемексты эсинэ рядтнэнь, кепеди
эсинэ боевой виенэ. Негриянь прави-
тельствась компартиянь активной лез-
дамонзо марто ютавты тылэнь ванькска-
вотома фашисттнень эйстэ ды сынст троцки-
стской агентуранть эйстэ, конатне Фран-
конень активнасто лездыть республика-
нейнтень каршо сонэз бюроциамосонть.

Се шкастонть, жардо народной фрон-
тонъ вийтне бороцямонъ эрья ковстонть
кемелгадыть, матежикитнень рядтнэ се
яла седеяк пек лавполгадыть. Герман-
ской ды итальянской интервентнэнь
ютксо виени внутренней противоречия
эшо атак савс добычанть явоманзо кис,
виенить раздорт матежикитнень ды ин-
тервентнэнь войскантень ютксо. Касы не-
довольства марокканейнтень ды испан-
ской крестьянтнень ютксо, конатнень мо-
билизовинэ ды манинэ Франко. Келей-
гады антифашистской движения робочей-
тнень ды трудяцятнень ютксо районтнень
эйсэ, конатне аштит матежикитнень
властест ало. Виени партизанской дви-
жениясь фашистской войскантень тылсэст.

Гренадасо матежикитнень частьсэ аволь
умонь восстаньясь аволь вейкине. Аволь
умок Матрель ошонь робочейтне сайст
сахарной завод, козовнь теишь баррикадат
ды невтсь сопротивления фашисттнень.
Матежикитнень лагерьсэ восстаньят уль-
нест Каратаунас ды Данхарон велетнесэ.
Франконень савсь кирдемс малав
100.000 войскант ансяк тылэнь оймавто-
мо. Ломантнень пек покшасатоманть ку-
валт сон аволь умок армияв сайс сет-
тнень, конатненьсэ топодсть кемсисемге
нетъ.

Франконь основной нежекс уш умок
аштит германо-итальянской фашистской
интервентнэнь вооруженной вийтне. Гер-
маниясь ды Италиясь нейгакяла кучнить
эсист войскас Испанияв.

Но республиканской вийтнень яла
касыця сплоченностэ, испанской на-
родной армиянтъ виенэ пек касомась
аштит сень виде залогокс, што фашис-
тской интервентнэнь планост кармить
улема тапазь.

В. Власов.

(„Боевая подготовка“).

КРЕСТЬЯНСКОЙ ВОЛНЕНИЯТ ПОЛЬШАСО

Варшава. Меельсь шкастонть
Польшасо касы крестьянской дви-
жениянь од волна. Жарыя (воево-
дствава (Краковской, Люблинской,
Келецкой, Лодзинской, Варшав-
ской ды лият) моли массовой
крестьянской забастовка. Кресть-
янтнэ лоткасть ошов продуктань
ускомадо ды кой-кона таркатнесэ
лоткасть помещикнэ паксятнесэ
роботамодо.

Забастовкась ушодовсь авгу-
стонь 16-це чистэ, теде икеле весе
Польшаванть крестьянской анти-
фашистской митингтнеде мейле.

Бастовия крестьянствась веш-
нолдам (ропуск) сейманть ды
сенатонть, ютавтомс демократи-
ческой од кочкамот, вешить, штобу

туевель отставкас министрнэнь
неень кабинетэсь ды штобу теемс
од правительства, конась кеме-
вель келей народной массатне-
нень.

Польской правительствась кучь
краковской воеводствав кочказь
полицийской часть. Варшава уш
састь пачтавкст седе, што поли-
цейской карательной отрядтнэ лед-
нить крестьянтнэнь.

Фашистской режимнень каршо
крестьянтнэнь бороцямост пштил
гады. Полицийской терроронть
каршо крестьянской массатне от-
вечить съдтнень калавнемасо ды
властень представительтненьсэ со-
противленианть максомасо.



Москов—Рав каналось.

СНИМКАСОНТЬ: Химкинской речной
вокзалсо.

Фотосъ Л. Великжанинэ (Союзфото).

Эйкакштнэнь технической станциянтень эрьяви лезкс

Вишкине, чопода кавто комна-
тат. Те истя Саранскоень эйкакшт-
нэнь технической станциясь. Пуль
ютксо, косо эсист тевест ветить
эйкакштнэ, понгавтоз аштит эрь-
ва кодат модельть.

Станциясонть роботыть колонь-
гемень эйкакшт. Сынст ютксо
аволь аламо фотолюбительть, кон-
структорт, художникт, электрикт
ды лият. Роботамонъ условияне
берянт. Комнататнесэ тесна, а ко-
со кирдемс инструментнэнь. Арась
сатышка, эрвикс валдо. Ды эй-
какштнэ юткова ютась куля, што
горсоветэсь сынст станциянтъ то-
стояк арси седеяк берянь таркав
панемс. Те истя лездамонть тар-
кас. Комсомолонъ ошонь комите-
тэсь а содыак эйкакштнэнь стан-
циянтъ тевтнеде. Соненэ жо эрь-
ви покш лезкс, сех пек ней, жардо
эйкакштнэ авокстыть подаркат Ок-
тябрьской революциянь годовщи-
нантень (теде минь сермадынек
ютась номерэнтъ). Тосо жо арась
эрвикс материалт: коське килей,
пекше, эскт ды лият, конатне вете
эйкакштнэненъ а кода роботамс.

Комсомолонъ ошонь комитетэ-
нень ды обкомонтень эрви техни-
ческой станциянтень нейке жо мак-
сомс эрвикс лезкс, теемс тосо
роботамонъ кис паро условият.

Н. Симдянов.

Соцкультуранъ кудосонть мезеяк а эрси

Сене нь, штобу парстеаравтомс
од ломатнень ютксо роботанть Коч-
курованъ соцкультуранъ кудосонть
улить весе условияне. Культур-
анъ кудонть улить музы альной
инструментэнэ: гармошка, бала-
лайкат, гитарат ды улить налк-
ксемкаткак: шашкат, шахмат, би-
лиард ды лият. Кадовкшны ансяк
парсте ладямс роботанть, кундамс
тевс. Тедице кизэнь перть куль-
турно массовой работа од ломатне

ютксо кияк эзь веть сень кувалт
што соцкультуранъ кудонъ заве-
дующеесь Шумилин тевезэнэ а
кунсияк, сонэз эрья ков кучнить
лия тевень коряс.

Соцкультуранъ кудось каднови
уборщицанть лангс. Тень кувалт
сон теевсь ансяк кишнем таркакс.
Беседат, лекцият, газетанъ ловно-
мат жардоак а эрсит.

П. Чигаев.

Испанской робочей классонть действиянь единстванъ программа

Валенсия. Связеиь всеиспанской
комитетэнтъ заседаниясо комму-
нистической ды социалистической
партиянтень ютксо теезь кавонест
партиянтень вейсэнъ действиян-
нень программанть основний
пунктт. Те программась кучнэзь
весе низовой организациянтенень

Программась предусматривает
республиканской народной ар-
миянтъ бзевой виенэ кемекста-
монть, войсковой виев резерванъ
теема, матежикитнэнь агенттнэнь
эйстэ армиянтъ эрья шкань ванькс-
кавтома, командной постнэс отли-
чившийся солдаттнэнь выдвижения,
пек виев военной промышленно-
стень теема ды военной заводтнэнь
производительностэ кепедема,
фронттнэнь эйсэ укреплениянтень
ды тылсэ газубежищатнэнь те-
емасо правительстванть активной
ледамо ды лият.

Седе тов программась предус-
матривает трудяцятнень материа-
льной положенианть вадрягавто-
манъ мератнень, сынст культур-
ной уровеньнест кепедеманть.

Крестьянстванть коряс програм-
мась веша аграрной политиканть
ютавтома, конась стимулирует ве-
лень-хозяйстванъ продуктанть

ламогавтоманть ды трудяца
крестьянтнэнь материальной уро-
венест вадрягавтоманть, кресть-
янтнэненъ моданть коллективной
эли единоличной обработканъ сис-
теманть оля-чисэ кочкамонтъ обес-
печения.

Программась веша мератнень
ютавтоманть, конатне обеспечили
бу полной общественной порядка
испанской республиканть весе тер-
ритория лангсо ды шпионтнэнь ды
провокактортнэнь эйстэ тылэнь
ванькскавтома.

Программанъ башка пунктось
тешксты Советской Союзонъ на-
родтнэнь марто Испаниянь народт-
нэнь связеиь кемекстамонъ эрь-
викс-чинть. Кавонест партияне
ловить, што СССР-нь ванстамось
—аволь ансяк социалистнэнь ды
коммунистнэнь, но весе антифа-
шистнэнь священной долг. Каво-
нест партияне кармить лангс тарг-
семе Советской Союзонть врагт-
нэнь—социализманъ масторонть
врагтнэнь.

Шкань ответ. редакторось—Д. АДУШКИН.